

畿輔通志卷七十一

略二十六 輿地二十六 風俗

士

衛多君子

春秋左傳

衛俗與趙相類然近梁魯微重而矜節

史記貨殖傳

趙中山地薄人眾猶有沙邱紂淫亂餘民丈夫相聚游戲悲

歌忼慨起則椎剽掘冢邯鄲土廣俗雜大率精急高氣執輕

爲姦太原上黨又多晉公族子孫詐力相傾矜誇功名報仇

過直自全晉時已患其剽悍而武靈王又益厲之頗有齊趙

衛楚之徒其民鄙樸少禮文好射獵雁門亦同俗

漢書地理志

其俗剛勇尚氣力其失頗奢靡過度而野王好氣任俠有濮

上風

同上

初太子丹賓養勇士不愛後宮美女民化以爲俗至今猶有

遺風

俱同上

北周王褒燕歌行初夏麗景鶯歌嬌桃花流水沒河橋薔薇開花百重葉楊柳垂地數千條隴西將

軍號都護樓蘭校尉稱嫖姚自從昔時春燕分經年一去不相聞無復漢地關山月惟有漠北薊城雲淮南桂中明月影流黃機上織成文充國行軍屢築營陽史討寇陷平城城下風多能卻陣沙中雲淺詎停兵屬國少婦猶年少羽林輕騎數征行遙聞陌頭采桑女猶勝邊地哀笳聲笳聲使人泣長望閨中空伫立桃花落地杏花舒桐生井底寒葉疏試爲來看上林雁座有遙寄隴頭書唐賈至燕歌行國之重鎮爲幽都東威九夷北制胡五軍精卒三十萬百戰百勝擒單于前臨滹沱後易水崇山沃野亘千里昔時燕山重賢士黃金築臺從隗始倏忽興王定薊邱漢家又以封王侯蕭條魏晉爲橫流鮮卑竊據朝五州我唐區夏餘十紀軍容武備赫萬祀彤弓黃鉞授元帥墾耕大漠爲內地季秋膠折邊草肥治兵羽獵因出師千營萬隊連旌旗望之如火忽電馳匈奴懾竄窮髮北大荒萬里無塵飛君不見隋家昔爲天下宰窮兵黷武征遼海南風不競多死擊鼓臥旗折黃雲橫六軍將士皆死盡戰馬空鞍歸故營時移道革天下平白環入貢滄海清自有農夫已高枕無勞校尉重橫行

自古言勇俠者皆推幽并然涿郡自前代以來多文雅之士

隋書地理志

人性勁悍習於戎馬

好尚儒學而傷於遲重前代稱幽冀之士鈍如椎蓋取此焉
俗重氣俠故燕志述其土風慷慨

人多好儒學性質直懷義有古之風烈

俗重氣俠好結朋黨

俱同上

土厚泉甘人物產於其間者多實少浮

圖經

士輕生而尚義有荆軻之遺風

同上

尚氣節以功名自許

唐書高適傳

性緩尚儒仗義任俠

通典

燕趙古稱多感慨悲歌之士

昌黎集

魏晉以降文學盛興閭里之間人習程法并州近狄俗尚武

藝左右山河古稱重鎮

文獻通考

人性質厚少文專經術大率氣勇尙義號爲強伎

宋史地理志

士習善馳突恥怯尙勇好論事甘得而忘死河北之人殆天

性然

宋祁論鎮定形勢疏

幽燕山後諸州人性勁悍習於戎馬惇尙氣節可以義動

夏竦

論幽燕諸州

唐張耒詩十月北風燕草黃燕人馬飽風氣

強虎皮裁鞍雕羽箭射殺陰山雙白狼

高適薊門行五首

薊門逢故老獨立思氛氲一身既零丁頭鬢白紛紛勳庸今

已矣不識霍將軍漢家能用武開拓窮異域戍卒厭糠覈降

胡飽衣食關亭試一望吾欲淚霑臆邊城十一月雨雪亂霏

罪元戎號令嚴人馬亦輕肥羌胡無盡日征戰幾時歸幽州

多騎射結髮重橫行一朝事將軍出入有聲名紛紛獵秋草

相向角弓鳴黯黯長城外日沒更煙塵胡騎雖憑陵漢兵不

顧身古樹滿空

塞黃雲愁殺人

風俗樸茂蹈禮義而服聲名

范鎮幽都賦

幽燕之地自古號多豪傑名於圖史者往往而見

東坡集

獷悍木彊之習可變為禮義廉恥之風

集斜川

人多技藝秀者讀書次則騎射耐勞苦

遼史地理志

崇德尙義顧恥修廉以忠孝勵其俗以詩書傳其家

金史地理志

人多豪俠習於戎馬

元史地理志

豪勁任俠渾厚敦樸猶有唐之遺風焉

陵川集

涿故燕國古多豪傑之士慷慨任俠報讐遺風尙存

同上

古稱禮義之國在三輔之內文物衣冠之盛比於鄒魯

李繼本送

董景甫序

人性驚悍不憚戰陣喜立功業

明一統志

當燕趙之交土廣俗雜人習文武雄於河朔

函史

燕趙河山鉤距盤固百七十年衣冠文物之化煥然備盛

夢蕉

詩話

文武將相之儲經術詞章之藪

燕南題名記

土平民強英傑所利

雍正志

燕自上古唐虞夏后蓋更迭而王焉其神明之所過化載在

方冊鑠哉周之代殷召公封於燕流風餘韻尙可想見

順天府志

士人文雅沈鷺而不狃於俗感時觸事則悲歌慷慨之念生

猶然燕丹遺烈

同上

喜聲名者有雄桀之風好詩書者多慷慨之致

通州舊志

漢魏以來北方之學者涿郡爲多

涿州志

使氣仗節擅桀鷺之風好鬪輕生間剽悍之俗讀慷慨悲歌

之序知燕趙之挺雄才詠風蕭水寒之歌識幽薊之多壯士

順義

縣志

縉紳先生抗言厲志猶有古風

固安縣志

執正不阿追燕市悲歌之節有趙人慷慨之風

文安縣志

尚樸實知廉隅其父兄子弟相授受師友相切劘一以經書

爲本業無作輟無營求雖困頓挫折終不以奪其志

甯河縣志

明初習記誦而心理道者少然多醅謹經書務在講貫子史

亦多涉獵

永平府志

人多剛猛而尚才勇士好禮讓嘉靖以降樸變而巧野變而

文謹約變而夸詐四民之習駸駸乎異矣

盧龍縣文廟碑記

邑人雅重讀書村里皆有塾師雖家貧必令弟子就學然或

有讀至數十年改業貿易者若縉紳之家崇禮師儒誦習經

史率多根柢之學自前明以來不乏達人

昌黎縣志

士尚實學人好禮樂有古夷齊風

撫甯舊志

薦紳率恬讓章逢多質樸

樂亭縣志

古稱夷齊廉頑起懦而灤樂爲桑梓之鄉其被化尤切

樂亭縣志

士習詩書談氣節少所許可

臨榆縣志

負氣任俠慷慨激壯

山海關志

其俗愚悍少慮輕薄無成亦有所長敢於急人燕丹遺風也

讀書重授受喜延名下設皋比詩文楷模大家塾館圖籍園

亭竹卉藏弄位置都雅蓋富而好禮者歟

保定府志

山川秀麗家尙禮義

滿城縣志

俗薰京兆之華人帶塞垣之武

新城縣志

縉紳先生儉約自守往往布衣徒步無僕從之使卽世宦家

亦未有高堂華屋田連阡陌者

唐縣志

賢者多威稜尙氣節蹕厲自將無齷齪依違之氣

唐縣志

縉紳最爲清雅謙冲光明正大青衿中多循循謹飭不尙奇

詭故文雅靜謐者多而囂躁者不數見焉

完縣志

章甫華胥蓋古仁讓之域

望都縣志

純正守規無事浮誇

蠡縣志

士勤絃誦而秉耒澤畔尚于有古風

雄縣志

風土深厚民性樸質多忠信義烈之士

高陽縣志

縉紳先生恥尚逡巡於是若疏蓋雅負剛腸不工繞指亦其

習也

高陽舊志

新安雖居渥水之間而山脈水源發自燕冀其人多剛介慷

慨尚樸略而少文華純厚之風相沿成俗

新安縣志

漢河間獻王好學慕古以招賢者毛公之徒畢至於是彬彬

興起至數百年而流風未衰及乎拓拔高齊擾攘之餘儒生

輩起經術猶盛斯皆獻王之力也

河間府志

人多貴德俗尙敦樸

衣冠不乏風俗熙熙

俱同上

河間人讀書不成則學爲吏其爲士者無恒產率以硯田餬

口鄉居或親耒耜且少師資父兄每自教其子弟

河間縣志

武風甲於河郡故數有魁多士者

獻縣志

士多寒素入學後卽以課授爲生安於家雖近京師不好遊

謁絕無標榜聲氣之習浮言肆議之風

獻縣志

士林雅重廉介

阜城縣志

士類服馴教化

肅甯縣志

肅里不踰十五士之陶鎔聖化濯磨特出者每相接踵號淵

藪焉

肅甯題名記

仁愛好學儻樂施

交河縣志

文武忠孝代不乏人密邇齊魯淵源洙泗

景州學記

州人習董子正誼明道之訓至今人尚質行戶多絃誦

景州志

東光戶雖不多而士知尚學

瀛州志

澹董以濬其源東田沙溪以衍其流科第相望甲於他邑

故城

縣志

士尚氣節習於詩書尊吏畏法恥事鬪訟

滄州志

廉恥成風志士鼓勵

同上

大夫重廉節絕迹公庭士純樸不務外事高者肆力於詩書

青縣志

士風恬退子弟謙謹

南皮縣志

士尚名節俗重信義

鹽山縣志

士務經學不崇佛老

同上

士子閉戶讀書通經懷古科甲相繼皆由攻苦力學以得功

名絕少夤緣僥倖之事卽筮仕四方敬慎自守及歸林下囊

無厚資蓋行已有恥名節信義之風由來舊矣

鹽山舊志

好經術矜功名務農桑崇學業文物彬彬而豪悍之習自若

慶雲

縣志

風物蕃衍地廣氣豪人習文則其質彬彬習武則其氣赳赳

大有趙勝魯連之風

正定府志

薦紳先生抗言厲志好尚儒學猶有先古遺風

正定縣志

地秀人傑風純俗美號稱禮義之邦

行唐文廟記

士苦於貧乏者多故耕讀兼營然頗以分自安鮮蕩檢踰閑

之習

井陘縣志

崇道義尚廉恥

晉州志

龍岡蟠拱於後滋水帶繞於前風氣攸萃禮義漸興第慷慨
輕生剛毅任俠信鬼尚祈嗜遊弛業猶不免燕趙之故俗

無極

縣志

藁居太行之東人物豪雄多慷慨尚義節

藁城縣志

士人忠信質直君子深思小人任俠縉紳先生過閭里數徒

步不張車蓋

大名府志

性純樸氣剛毅頗稱好學務本

衣冠文物之盛爲畿南稱首

俱同上

俗尚義概有古推遜之風

澶淵舊志

質而不華儉而不侈安於田里不事遠遊

清豐文廟記

縉紳先生能敦行誼樂名教不撓當事之法

開州志

土地沃衍風氣樸雅慕善恥非尚果敢喜正直能讀書訓子

有古人風東明縣志

先人後已務崇禮讓長垣縣志

垣為畿甸名區淪浹久道之化最切士多忠信樸茂宜乎風

俗之美質異曩時同上

邢州素號繁劇之郡龍岡駕水地望甚雄文物風流若一都

會邢州廟學記

邢襄素號文獻之邦英才蔚起彬彬稱盛順德府學田記

此邦士子威儀揖讓斌斌有儒者氣象勅建邢州義學記

俗變幾魯為禮義邦號易治南和縣志

廣平畿南劇郡土厚俗純士重然諾先王之遺風猶有存者

廣平府學記

敦龐勤儉間有重氣俠尚奢澆者廣平府志

廣邑風氣雄勁深沈大都矜氣節敦禮讓

廣平縣志

風俗純美務農力學衣冠禮儀爲鄰邑首稱人性多敦厚而

過於持重

威縣志

清河以平干尾邑僻處河濱壤接山東地多斥鹵惟俠烈之

氣遠過鄰封

清河縣志

俗稱敦龐勤儉戶習詩書

同上

土濁人稀習尚敦厚雅重儒學頗有遜畔之風

磁州志

山高水深風勁氣寒人性勇健喜敦信義故多貞烈之節

舊宣

鎮志

士流以簡亢自持武弁以侈華相競

同上

文士自持甚高不輕下人不伸其說不輟能謙受者蓋寡

宣化

府志

文武士人皆持重不肯毀名節內外坦白心無畛畦輕財好

施無慳嗇之習

萬全縣志

民間率重詩禮與關內彷彿但邊風剛勁習武者多

西甯縣志

奉聖之民習於兵農安於勤苦不爲浮華之行

龍門縣志

人以氣岸相尙喜則傾心怒則視劍

西路舊志

地極高寒霜雪偏早農業之暇聚族講武近被學校之化漸

有中州之風

北路舊志

山環水抱人多秀而知學

玉田縣志

州本英俊之域黼冕所興

易州舊志

世族多能由禮恥於干謁

易州志

山川明秀髦杰挺生地靈之所苞孕也

同上

士敦簡略不事浮華然好學力文者不多見故科目如晨星

焉涑水縣志

路當要衝人文絡繹廣昌縣志

質厚少文氣勇尙義號爲彊枝冀州志

新河俗專務本土不倦學新河縣志

衡介燕趙間士多慷慨衡水縣志

地屬畿輔政教漸摩日趨文雅趙州志

文物鮮華衣冠齊楚甯晉縣志

士志約而行方饒陽縣志

帶弓而鋤佩劍而樵東坡集

唐建學以教民文士輩出宋爲重鎮韓忠獻公增修學校以

化導之蘇文忠公復蒞斯土人漸於其化兼習文武定州志

農